

(<https://news.usm.my>)

Berita Mutakhir ▾


# 19 SEP PAKAR 16 NEGARA BINCANG TANGANI EKSTREMISME TANPA KEGANASAN



PULAU PINANG, 19 September 2016 - Pakar daripada 16 negara berkumpul di sini selama tiga hari bermula hari ini untuk berbincang usaha menangani ekstremisme tanpa keganasan.

Menurut Naib Canselor USM Profesor Dato' Dr. Omar Osman, kerjasama antara Universiti Sains Malaysia (USM) melalui Pusat Penyelidikan Dasar dan Kajian Antarabangsa (CenPRIS) USM dan TODA Institute for Global Peace and Policy Research dalam program ini akan memberi impak kepada semua komuniti global melalui impak inovasi penyelidikan dan kolaborasi berterusan.

"Kita memerlukan keamanan dalam dunia kini yang makin mencabar dalam sebarang penyampaian mesej yang positif mahu pun negatif berkaitan keganasan," katanya ketika menyampaikan ucapan perasmian Persidangan Antarabangsa dalam Menangani Ekstremisme Tanpa Keganasan : Teori Islam dan Amalan (International Conference on Engaging Extremism Nonviolently : Muslim Theories and Practices)



Menurut Naib Canselor, CenPRIS USM perlu berfokus kepada isu sebegini dan mendapatkan pelajaran pelajar Doktor Falsafah dalam pengajian berkaitan perkara ini.

Beliau mengharapkan agar persidangan ini akan memberi manfaat pada semua 16 negara yang terlibat dalam membina jaringan dan hubungan yang lebih erat dalam isu-isu yang dibincangkan dalam lapan sesi yang akan berlangsung nanti.

Sementara itu, Pengarah Penyelidikan TODA Institute for Global Peace and Policy Research Dr. Satoko Takahashi pula berkata, kolaborasi antara USM dan TODA dalam pengajuran persidangan ini diharapkan dapat memberi hasil yang diperlukan dalam menangani ekstremisme demi memelihara keamanan dengan menggunakan pendekatan tanpa keganasan.



TODA adalah organisasi yang komited dalam memperjuangkan keamanan melalui makna keamanan dan penghapusan menyeluruh berkaitan peperangan.

Yang turut hadir adalah Timbalan Naib Canselor Penyelidikan dan Inovasi Profesor Dato' Dr. Muhamad Jantan, Pengarah CenPRIS USM Profesor Madya Dr. Azeem Fazwan Ahmad Farouk dan Profesor Chaiwat Satha-Anand dari Thammasat University, Thailand.

Teks : Hafiz Meah Ghous Meah

Foto : Mohd Fairus Md Isa



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015